

Naalakkersuisut siulittaasuat

Landsstyreformanden



Inatsisartunut ilaasortaq Palle Christiansen  
c/o Inatsisartut allattoqarfiat  
Maani

### **Namminersorneq pillugu paasisitsiniaanermut tunngasumik Naalakkersuisunut apeqquteqaat**

Inatsisartut suleriaasianni § 36, imm. 1 tunngavigalugu 10. september 2008 allakkatigut Naalakkersuisunut apeqquteqarputit Namminersorneq pillugu paasisitsiniaanermut tunngatillugu. Apeqquteqaatitit matumuuna akissuteqarfigineqassapput.

Apeqqutigineqartunut tunngavilersuutigisatit pillugit aallaqqaasiullugu imaattunik oqaaseqaateqassaanga.

Namminersorneq pillugu allaffeqarfiup suliassaraa Kalaallit Danskillu Namminersorneq pillugu isumalioqatigiissitaannit isumaliutissiissut suliamut tunniusimalluni paasisitsiniutigineqarnissaa. Namminersorneq pillugu allaffeqarfiup suliassarinnigilaa isumalioqatigiissitap suliari apeqqusersussallugit, aammalu isumalioqatigiissitap suliari inassuteqaataalu isorinnittumik inissisimaffigisussaanagit.

Kalaallit partiivi tamarmik, danskit partiivi tamarmik, Statsministeria, Inatsisunik atortitsinermut ministeriaqarfik, Nunanut allanut ministeriaqarfik, Aningaasaqarnermut ministeriaqarfik, Avatangiisinut ministeriaqarfik, Avatangiisinut Danmark-imi aqutsisoqarfik, GEUS, DMU, Naalakkersuisut allattoqarfiat, Aningaasaqarnermut pisortaqarfik, Nunanut allanut pisortaqarfik, Aatsitassanut Ikummatissanullu pisortaqarfik kiisalu Inuussutissarsiornermut pisortaqarfik, tamarmik siunnersuisoqatigiit sulineranni tamakkiisumik peqataasimapput.

Professor Henrik Zahle, professor Jens Hartig Danielsen, professor Gudmundur Alfredsson, professor Ole Spiermann, professor Søren Bo Nielsen, aamma sulinermi peqataapput, taakkualu paasisutissat pissarsiarineqartut isumaliutissiissutillu inassuteqaatai nalilersortarpaat. Professor-it ingerlaavartumik siunnersuisoqatigiit sulineranni peqataapput, suliallu oqimaaqatigiinnissaannik isumannaareqataallutik, atorfillit piginnaaneqarluartut amerlasuullu Kalaallit Nunaanniit Danmark-imiillu peqataasut peqatigalugit. Isumalioqatigiissitap ukiuni sisamangajanni suliaminik ingerlatsinerata aamma isumannaallisarpaa suliat peqqissaartumik isumannaatsumillu suliarineqarnerat. Isumaliutissiissutit imarisamigut piginnaasanik tunngaveqarnera taamaattumik qaffasissorujussuuvoq.

3. oktober 2008  
Sags nr.  
2008-011397  
Dok. nr. 96522  
Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

Namminersorneq pillugu allaffeqarfiup suliassarinnigilaa suliat pineqartut apersuusersornissaat, suliat atorfilinnit, ilisimatuunit naalackersuinermillu suliaqartunit amerlasuunit piginnaasaqarluartunillu suliarineqarsimasut. Namminersorneq pillugu allaffeqarfiup suliassaa tassaavoq isumalioqatigiissitap isumaliutissiisutaata inassuteqaataasullu innuttaasunit paasiuminartumik saqqummiussornissaat. Namminersorneq pillugu siunnersuisoqatigiit soorunami Namminersorneq inassuteqaatigaat.

Soorunami allat isumalioqatigiissitap suliai apersuusersorsinnaavaat. Allat taakkua tassaasinnaapput innuttaasut ilaat, partiit illuatungiliunniartut, tusagassiortut allallu.

Tassungalu atatillugu oqaatigineqassaaq aningaasanut inatsimmi aningaasanik immikkoortitsisoqarnikummat, aningaasallu taakkua partiinit Namminersulernissap sulissutigineranut atorneqartussaapput. Aningaasat 1.520.000 kr.-it immikkoortinneqarnikuupput, taakkualu partiit paasisitsiniaallutillu oqallissaarusiornerannut atorneqartussaapput, namminersorneq pillugu innuttaasut taasisinneqarnissaat sioqqullugu. Aningaasaliissutit assersuutigalugu partiit nammineq namminersorneq pillugu isumaannik paasisitsiniaanernut oqallissaarutinullu atorneqarsinnaapput, - aamma namminersorerup eqqunneqarnissaanut akerliusuusimagaanni, namminersorneq pillugu innuttaasut taasisinneqarnissaat sioqqullugu.

#### **Apeqqut 1:**

Najoqqutassiat allassimasut suut suliarineqarpat, taamaalilluni qularnaarneqarsinnaasunngorlugu paasisitsiniaaneq namminersulernissamut allaffimmit aalajangerneqartoq pillugu atugassarititani naalackersuinikkut akuliutinnginnissaq?

#### **Apeqqummut akissut 1:**

Namminersorneq pillugu allaffeqarfik Naalackersuisut allaffissornikkut ingerlatsiffiisut allatulli pisussaavoq ingerlatsinermi allaffissornermilu maleruaqqusanik malinninnissamut. Naggataagullu taamaasilluni sulianut ingerlanneqartunut akisussaasut tassaapput Naalackersuisut, ingerlatsinermit allaffissornermullu maleruaqqusat sulianut tamanut atuuttut Namminersorerullitik Oqartussani ingerlanneqartut eqqarsaatigalugit.

Naalackersuisut taamaattumik pissutissaqartinnigilaat paasisitsiniaanermut atatillugu maleruaqqusanik naalackersuinermit akuleruttoqaqqunagu maleruagassiortoqarnissaa.

Paasisitsiniaanermi aallaaviusiq tassaavoq Namminersorneq pillugu isumalioqatigiissitap isumaliutissiisutaat, soorluttaaq paasisitsiniaaneq Tusagassiivik qanimut suleqatigalugu ingerlanneqartoq.

Namminersorneq pillugu allaffeqarfiup killilersorneqarani partiit assigiinngitsut, naalackersuisoqarfiit, isumalioqatigiissitami ilaasortaasimasut professor-illu saaffigisinnavaai, paasisitsiniaanermi ingerlanneqarnerani.

Powerpoint-imik atortoqarluni innuttaasunik namminersorneq pillugu ataatsimiititsinerit aallarnerlugit saqqummiussisarnermi paasisutissat atorneqartut,

piareersarnermut atatillugu partiinut assigiinngitsunut saqqummiunneqartareerput isumaat paasinialugit, aamma tassani ilaallutik Demokratit.

Siuliani oqaatigineqartut partit nammineq aningaasaliiffigineqarput paasisitsiniaanissaminut atugassaminik, soorluttaaq partit tamamik paasisitsiniaalluni innuttaasunik ataatsimiititsisaqattaarluni angalanernut qaaqquneqareersut, namminersornerup eqqunneqarnissaanut isumaat apeqqutaatinnagu.

#### **Apeqqu 2:**

Paasisitsiniaanermut atatillugu suliassat suut namminersulernissamut allaffiup avataani suleqatigisaanit isumagineqassasut toqqarsimavai?

- a. Suleqatit taakkua qanoq toqqarneqarsimappat aamma pisortatigoortumik suliassat suliarinnittussarsiuunneqartarneranni malittarisassat malinneqarpat?

#### **Apeqqu 2-mut aamma 2a-mut akissut:**

**TV-iikkut paasisitsiniaanermi atortut:** TV-iikkut paasisitsiniaanermi saqqummersinneqartartunik suliaqarnermut Inuk Media toqqarneqarsimavoq, taakkua siusinnerusukkut Namminersorneq pillugu pisortaqarfiusimasumik sullissereernikummata. Suliamut tassunga atatillugu Inuk Media-p isumalioqatigiissitami ilaasortaasimasut kalaallit aammalu danskit arlaqartut apeqqarissaarfigineqarsimapput. Taamaasillutillu Inuk Media-mi namminersorneq pillugu paasisutissanik annertuunik qanimut suleqataasimasuniit pissarsiaqarlutik, suleqataasimasut kalaallit danskillu akomanniit. Taamatut suleriaaseqarnermikkut Inuk Media-mi paasisitsiniaanermut atatillugu TV-iikkut saqqummersittakkanik naatsulianik suliaqarnermini katersaqarput pissutsinut naleqqulluartunik paasisutissanik.

**Naqitanik suliaqarnermi ilusilersuineq:** Inuk Media toqqarneqarpoq paasisitsiniaanermi naqitanik suliaqarnissamut ilusilersuisussatut, tassunga ilanngullugu aviisini annonce-liussassat suliarinerannut. Taama iliortoqarpoq TV-iikkut paasisitsiniaanermi saqqummersittakkat naqitanilu annoncit ilutsumikkut assigiissumik tunngaveqarnissaat eqqanaarumallugu. Taamaaliornikkut paasisitsiniaanermi saqqummiunneqartunik ilisarinnissinnaaneq ataqatigiissumik suliaqarnermut tunngaviginiarneqarpoq.

Ilaatigulli aamma Sermitsiami aamma AG-mi ilusilersuisartut grafiskimik suliaqartartut aviisini ussassaartit suliarineranni atorneqartarsimapput.

**TV-iikkut aallakaatitat:** Ajaaja Media Sisimiuneersoq toqqarneqarsimavoq aallakaatitassianik sisamanik 25 minuttinik sivilissusilinnik suliaqartussanngorlugu. Namminersorneq pillugu allaffeqarfiup Ajaaja Media toqqarsimavaa Tusagassiivik isumasioqqissaareerlugu. Tusagassiivik aviisiliortumik sulisoqarpoq TV-iikkut kalaallit aallakaatitassiornerannik ilisimaqarluartumik. TV-iikkut aallakaatitassiami aalajangiisuusumik pingaaruteqarpoq tusagassiortut suliaasumik paasisitsiniaasoqarnissaa. Taamaattumillu video-mik nioqqutissiorfimmi tusagassiortumik peqataasoqarnera pingaartillugu naliiisoqarsimavoq. Pivisoq unaavoq TV-iikkut nioqqutissiorfiit pineqaratik TV-iikkut aallakaatitassiorartut tusagassiortut pingaanerutinneqarnerat. Ajaaja Media toqqarneqarpoq TV-iikkut

aallakaatitassioartumik misilittagaqarluartumik Ole Petersen-imik pitsaassuseqarluartumik aallakaatitassioartarnemigut ilisarimanegartumik qanimut suleqateqarmata. Aammalu Ole Petersen ilisimanegarpoq suliaminut tunniusimasutut, tamannalu aamma nammineq toqqaanermi pingaaruteqarsimavoq.

Aammalu pingaaruteqarluinnarsimavoq video-mik suliaqarnermik nioqutissiorfiup suliassat allat tamaasa unitsikkallarlugit suliassaq una annertoq, Namminersoneq pillugu aallakaatitassianik sisamanik suliaqarnissaq allamut sangusaqattaarani aallusinnaammagu.

**Radiukkut aallakaatitassiat:** Radiukkut aallakaatitassiat Tusagassiivup, Namminersoneq pillugu allaffeqarfiup aamma KNR-ip suleqatigiinnerisigut suliarineqarput, KNR-ilu atortunik ininillu atorneqartussanik akeqanngimik atugassiisimalluni.

**TV-iikkut radiukkullu toqqaannartumik aallakaatinneqartunik innuttaasunik ataatsimiititsinerit:**

Namminersoneq pillugu allaffeqarfiup nuna tamakkerlugu aallakaatinneqartunik Tv-iikkut radiukkullu KNR-ip aallakaatitsinerinut aningaasartuutit matussusissavai. Aningaasartuutigineqartoq tassaavoq sinerissamiit aallakaatit nassiussoneqarnerat.

**Naqiterivik:** Naqitat naqiterivittut atorneqarput. Naqitat suliassamik naammassinninnissamut periarfissaqarnera tunngavigalugu toqqarneqarpoq, aammalu qalipaasersuisinnaanini Nunatsinniinninilu. Taamaasillunilu angallassinermut piffissamik atuisoqanngilaq naqitat tiguneqarnissanni, taannalu nammineq pingaaruteqarpoq.

**Allakkat:**

Naqitanik nassiussuineq – Tele Post toqqarneqarpoq.

Suleqatigineqartut toqqarneqarnerannut tunngavilersuutit qiviaraanni takuneqarsinnaavoq suleqatigineqartut tamarmik Kalaallit Nunatsinni immikkut inissisimalluartuusut, Namminersoneq pillugu allaffeqarfimmu suliamik naammassinillutik tunniussisinaanermikkut.

Suliariumannittussarsiuussisarnermut tunngatillugu oqaatigineqassaaq Inatsisartut inatsisaat nr. 3, 6. april 1992-imeersoq suliariumannittussarsiuussisarnermut tunngaviusoq sulianut pineqartunut attuumassuteqanngimmat.

- b. Namminersulernissamut allaffik – taamalu Nunatta Karsia – suliassat taakkua isumagineqarnissaannut qanoq akiliiva?

**Apeqqummut 2 b-mut akissut:**

Suleqatigineqartunut taaneqareersunut suliassiissutit oqaatigineqareersut pillugit ataatsimut aningaasartuutit eqqarsaatigalugit apeqqutaavoq innuttaasunik taasisitsinissaq sioqqullugu naammassiat annertussusiat. Kisiannili aningaasartuutit ataatsimut sulianut pineqartunut 2,5 mio. kr.-it missaanissapput.

**Apeqquut 3:**

Septemberi aallartimmat KNR-ip namminersulernissaq aningaasaqarnerlu pillugit filmi paasisitsiniut takutippaa. Demokraatit isumaqarput filmi taanna isumaqatissarsiutaasoq, inunnik ANGERTITSISSAQQAARTUMIK. Filmimut paasisitsiniummut Naalakkersuisut qanoq isumaqarpat?

**Apeqquummut 3-mut akissut:**

Naalakkersuisut Demokraatit isumaqatiginngilaat isumaqarmata filmi taanna isumaqatissarsiuniutaannaasoq.

Aallakaatitaq ilusilerneqarpoq Namminersorneq pillugu isumalioqatigiissitami ilaasortat atorfilittallu suleqataasimasut isumalioqatigiissitap isummiussaani inassutigineqartunik tunuliaqutaasunillu itisilerisinnaanngorlugit. Naalakkersuisut pingaartutut isigivaat isumalioqatigiissitap ukiuni sisamani sulereerneratigut ilaasortaasimasut suliatik pillugit nassuiaateqarnissaminnut periarfissinneqarnissaat. Isumalioqatigiissitap sulinerata nalaani unaminartunik naapitassaqartarsimavoq, taamalu Namminersorneq pillugu paasisitsiniaanissaq taamaalinerani periarfissaqarsimanani. Taamaattumillu suleriaaseq atorneqartoq tassaasimavoq isumalioqatigiissitami ilaasortat, atorfillit professorillu peqataasut siulliullutik itisileritinneqarnissaat periarfissaqartinneqassasoq.

Namminersorneq pillugu allaffeqarfiup neriuutigisimavaa KNR-ip aallakaatitat aallakaatereerneranni oqallinnernik aaqquissuussisarnissaa. Taamaaliortoqarpammi naatsorsuutigereersimavarput KNR-ip isorinnittumik tunngaveqartumik oqallinnernik ingerlatsisinnaanissaa. Taamaaliortoqarpammi naatsorsuutigilluinnarsimavarput oqallititsinerni namminersornermut illuatungiliuttut aamma oqallinnernut qaaqquneqarnissaat. Taamaasillunilu tunngavilersuutit tapersersuisut illuatungiliuttullu tamarmik tusagassiortunit isorinnittumik "isilinnit" isummersornissaminnut periarfissinneqarsinnaammata.

Namminersorneq pillugu allaffeqarfiup ingerlaavartumik KNR-imik oqaloqateqarerani neriuuteqarnek taanna naammassineqarpoq.

**Spørgsmål 4:**

KNR arlaatigut filmimut paasisitsiniummut tassunga akerliliissutissaqarpa taamaassappallu akerliliissutit qanoq siunertaqarpat?

**Apeqquummut 4-mut akissut:**

Apeqquummut 3-mut akissummi eqaaneqareersutut ingerlaavartumik KNR attavigineqarsimavoq. Attaveqarnermilu tassani Namminersorneq pillugu allaffeqarfiup KNR-ip Direktøria Lars Lennert-Sandgreen ataatsimeeqatigisimavaa. Ataatsimiinnermi tassani direktør Lars Lennert-Sandgreen-ip Namminersorneq pillugu allaffeqarfirmut namminersooq pillugu aallakaatitamut siullermut KNR-ip isumaa saqqummiussimavaa.

KNR-ip kissaatigisimavaa oqaaseqatigiit "namminersorneq eqqunneqarpat" allanngortinneqassasoq, imaasillugu " namminersorneq eqqunneqassappat..". Namminersorneq pillugu allaffeqarfiup kukkuneq maluginiarpaa,

ingerlaannartumillu iluarsillugu. Tamatumalu kingorna KNR-ip aallakaatitat akuerisinnaanngorpaa, taamalu aallakaatitserernerup kingorna studiami partiit tamarmik peqataaffigisaannik oqallitisisinnanngorluni.

Inussiarnersumik inuulluaqqusillunga  
Med venlig hilsen

Hans Enoksen